
МАРҒИЛОНДА “ОРОЛНИ САҚЛАЙМИЗ!” ШИОРИ ОСТИДА “SAVE ARAL – 2022” ЮГУРИШ МАРАФОНИ ЎТКАЗИЛДИ

Марғилон шаҳрида “Оролни сақлаймиз!” шиори остида “SAVE ARAL – 2022” югуриш марафони ўтказилди.

Оммавий югуриш марафонида вилоятимизнинг барча шаҳар ва туманларидан келган 3000 нафарга яқин 7 ёшдан 70 ёшгача бўлган кўнгилли спортчи ёшлар, профессионал спортчилар, ҳарбийлар, имконияти чекланган шахслар ҳамда барча ёшдаги аҳоли қатлами вакиллари иштирок этишди.

Мусобақа давомида иштирокчилар 3 километр масофани босиб ўтишди.

Маррага биринчи бўлиб Данғара туманидан Ҳасанжон Акбаралиев, иккинчи ўринда тошлоқлик Аҳрор Маҳмудалиев ҳамда учинчи ўринда Фарғона шаҳридан Раҳматилла Нуралиевлар етиб келишди.

Марафон якунида ғолиб ва совриндорлар ҳамда фаол иштирокчилар алоҳида номинациялар бўйича вилоят ҳокимлиги ҳамда ҳамкор ташкилотларнинг эсдалик совғалари билан тақдирландилар.

Бир сўз билан айтганда ушбу марафон Орол денгизи ҳавзаси атрофидаги экологик вазиятга кенг жамоатчилик эътиборини жалб қилишга қаратилганлиги билан аҳамиятлидир.

Худди шундай марафон 8 октябрь куни Қўқон шаҳрида ҳам бўлиб ўтади.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-10-06 12:08:03